


**Regulativ per la dismessa**

**dall'aua piarsa**

**vischnaunca**

**Riein**



# Cuntegn

## I. En general

- Art. 1 Validitad e finamira
- Art. 2 Incumbensas dalla vischnaunca
- Art. 3 Resalva dil dretg superiur

## II. Dismessa dall'aua piarsa

### En general

- Art. 4 Classificaziun dils stabiliments per la dismessa dall'aua piarsa
- Art. 5 Obligaziun da colligiar
- Art. 6 Colligiazion

### Concept e diever

- Art. 7 Principi
- Art. 8 Sventilaziun, sifons
- Art. 9 Dismetter l'aua da locals sutterrans, pumpas, uviarchels da reflussiun
- Art. 10 Zavrader
- Art. 11 Sorts d'aua piarsa e deflussiun
- Art. 12 Sistem da deflussiun
- Art. 13 Restricziuns da diever
- Art. 14 Aua piarsa da menaschis ed industrias
- Art. 15 Metodas specialas per tractar l'aua piarsa

### Gestiun e manteniment

- Art. 16 Mantener e renovar las installaziuns
- Art. 17 Schubergiar
- Art. 18 Controlla e reparaturas
- Art. 19 Responsabladad

## III. Finanziaziun

### Principi

- Art. 20 Stabiliments dalla vischnaunca
- Art. 21 Stabiliments privats

**Taxas da colligiazium**

Art. 22 Taxaziun provisoria

Art. 23 Taxaziun definitiva

Art. 24 Scadenza

Art. 25 Taxas da colligiazium specialas

**Taxas da diever**

Art. 26 Taxaziun

Art. 27 Scadenza

**Mieds legals e segirada**

Art. 28 Reclamaziuns

Art. 29 Dretg da pègn legal

**IV. Disposiziuns executivas e disposiziuns finalas**

Art. 30 Entrada en vigur

**Annexa: Fegl da tariffas**

## I. En general

### Art. 1 Validitad e finamira

- <sup>1</sup> Las noziuns davart las persunas, las funcziuns e las professiuns en quest regulativ serefereschan ad omisduas schlatteinas, aschilunsch ch'ei seresulta buc enzatgei auter ord il senn dil regulativ.
- <sup>2</sup> Quest regulativ vala per igl entir intschess communal. El vegn era duvraus per schischoms ordeifer il territori communal che vegnan colligiai, cul consentiment dalla vischnaunca da domicil, al stabiliment d'aua piarsa dalla vischnaunca da Riein.
- <sup>3</sup> Il regulativ ordeina, sin basa dalla lescha da baghegiar e dil plan d'avertura general, co concepir, utilisar, mantener, renovar e financiar stabiliments d'aua piarsa e la relaziun denter ils proprietaris dil terren e la vischnaunca.
- <sup>4</sup> Per stabiliments d'aua piarsa, planisai e concepì el rom d'ina planisaziun da quartier, valan las prescripziuns dalla lescha da baghegiar per la planisaziun da quartiers. Sch'ei manca directivas particularas, valan las prescripziuns da quest regulativ era per la procedura dalla planisaziun da quartier.
- <sup>5</sup> Schischoms ch'ins sa colligiar directamein al stabiliment d'aua piarsa d'ina vischnaunca vischina sa l'istanza da baghegiar excluder da quest regulativ, previu ch'il schischom en damonda vegni suttamess allas prescripziuns dalla vischnaunca vischina e reglaus en in contract.

### Art. 2 Incumbensas dalla vischnaunca

- <sup>1</sup> La vischnaunca eregia ed administrescha ils stabiliments d'aua piarsa necessaris.
- <sup>2</sup> L'extensiun dils stabiliments per la dismessa dall'aua piarsa sedrezza tenor la planisaziun d'avertura ed il plan da provediment.
- <sup>3</sup> La vischnaunca surveglia ils stabiliments d'aua piarsa privats. Quei cumpeglia la colligiazion e la dimensiun dalla lingia.

### Art. 3 Resalva dil dretg superiur

- <sup>1</sup> Priu che quest regulativ cuntegni neginas prescripziuns specialas, valan en general las prescripziuns dalla lescha da baghegiar communal.
- <sup>2</sup> Resalvadas ein plinavon las prescripziuns correspondentas dil dretg federal e cantunal.

## II Dismessa dall'aua piarsa

### En general

#### Art. 4 Classificaziun dils stabiliments per la dismessa d'aua piarsa

- <sup>1</sup> Ils stabiliments per la dismessa d'aua piarsa vegnan classificai tenor appartenenza en stabiliments d'associaziun, stabiliments communal e stabiliments privats.
- <sup>2</sup> Stabiliments communal ein tut ils stabiliments construi ed administrai dalla vischnaunca, sco p.ex. conduct d'aua tschuffergnada e conduct d'aua da plievgia, indrezs per scargar auas grondas, pumpas, reservuars d'aua da plievgia e sereneras.
- <sup>3</sup> Stabiliments privats ein tut ils stabiliments per la dismessa dall'aua piarsa construi ed administrai da persunas privatas, sco p.ex. conduct da colligiaziun cun la casa, conduct egl intern d'in baghetg, pumpas e sereneras unicas.
- <sup>4</sup> La vischnaunca meina in cataster da conduct.
- <sup>5</sup> Ils stabiliments per las auas buca tschuffergnadas vegnan menziunai el plan general per deviar las auas.

#### Art. 5 Obligaziun da colligiar

- <sup>1</sup> Sin igl intschess dils stabiliments public per la dismessa d'aua piarsa ston tut las auas piarsas vegnir menadas ella canalisaziun publica.
- <sup>2</sup> Baghetgs e stabiliments existents ein da colligiar culs stabiliments public per la dismessa d'aua piarsa, aschilunsch ch'ina tala colligiaziun ei giustificada.
- <sup>3</sup> Novs baghetgs ein da colligiar provisoricamein vid ils stabiliments public per la dismessa d'aua piarsa avon l'entschatta da baghegiar. Per baghetgs existents decida l'istanza da baghegiar il termin da colligiaziun. La colligiaziun definitiva sto succeder duront l'execuziun dallas lavurs.
- <sup>4</sup> Resalvadas restan las prescripziuns concernent la deflussiun d'auas buca tschuffergnadas e davart il tractament d'auas piarsas specialas.
- <sup>5</sup> La lubientscha da colligiaziun vegn dada ella procedura per la lubientscha da baghegiar.

#### Art. 6 Colligiaziun

- <sup>1</sup> La vischnaunca fixescha il liug ed il tip da colligiaziun.
- <sup>2</sup> La vischnaunca decida, sche la colligiaziun vegn exequida entras la vischnaunca ni entras il caschunader.

<sup>3</sup> Denter il baghetg e la colligiazion alla canalisaziun communal a ei d'ereger in tumbin da controlla. Cun elements da colligiazion adattai san ins colligiar directamein il conduct privat alla lingia da canalisaziun publica.

## Concept e diever

### Art. 7 Principi

- <sup>1</sup> Tut ils stabiliments per la dismessa d'aua piarsa ein da construir conform allas reglas da construcziun renconuschidas e tenor la tecnica respectiva.
- <sup>2</sup> Sch'ei manca en quest regulativ prescripziuns tecnicas specialas, pren l'istanza da baghegiar las decisiuns necessarias ella procedura per la lubientscha da baghegiar. Ella sa s'orientar allas normas e recumandaziuns dallas associaziuns professiunalas.
- <sup>3</sup> Stabiliments privats per la dismessa dall'aua piarsa astgan vegnir construi e reparai mo da persunas qualificadas.

### Art. 8 Sventilaziun, sifons

- <sup>1</sup> Tut ils stabiliments per la dismessa d'aua piarsa ston vegnir sventilai sufficientamein.
- <sup>2</sup> Conducts da sventilaziun ein da menar egl intern dalla casa entochen sur il tetg ed astgan buca finir en tgamins ni en vaus da ventilaziun.
- <sup>3</sup> Tut ils apparats sanitar e tumbins da deflussiun ein da colligiar cun la canalisaziun dalla casa cun in sifon.

### Art. 9 Dismetter l'aua da locals sutterrans, pumpas, uviarchels da deflussiun

- <sup>1</sup> En locals sutterrans, nua che l'aua sa buca defluir en ina pendenza naturala, sto l'aua piarsa vegnir pumpada ella canalisaziun.
- <sup>2</sup> Ils proprietaris da stabiliments privats ston sezs seproteger encunter eventualas reflussiuns dalla canalisaziun publica.

### Art. 10 Zavrader

- <sup>1</sup> Aua piarsa che cuntegn tenor la definiziun dallas prescripziuns federalas gliet, sablun ielis e grass minerals ni organics, supplements chemics e.a.v. ston passar il zavrader corrispudent avon che sbuccar ella serenera.
- <sup>2</sup> Ils zavraders ein d'installar sche pusseivel leu, nua che la substanza cula ell'aua.

## **Art. 11      Sorts d'aua piarsa e deflussiun**

- <sup>1</sup> Il regulativ definescha l'aua piarsa, tut l'aua duvrada e buca duvrada che defluescha d'in schischom e dils baghetgs construi sin quel.
- <sup>2</sup> Aua tschuffergnada ei da menar ella serenera.
- <sup>3</sup> Aua da plievgia dils tetgs, dallas vias, sendas e da parcadis (excepziun: plazs da tras-cargar e plazs da lavur), ei da schar sfundrar, sche las relaziuns localas lubeschan e l'aua ei buca tschuffergnada. Cass cuntrari ston ins menar l'aua da plievgia en conducts d'aua da plievgia ni directamein el prefluent.
- <sup>4</sup> Aua piarsa schubra, p. ex. aua che sfundra, aua sutterrana ed aua da fontaunas, aua schubra da diever e da sferdentar dall'industria e da menaschis, ei da colligiar directamein cun il prefluent.
- <sup>5</sup> La vischnaunca sa obligar ils proprietaris da baghetgs e da stabiliments d'allontanar l'aua da plievgia e l'aua schubra tenor al. 3 e 4, schilunsch ch'igl ei opportun e supportabel pils proprietaris.

## **Art. 12      Sistem da deflussiun**

- <sup>1</sup> L'aua duvrada els conducts d'aua piarsa ei da transportar cun il sistem da flottar.
- <sup>2</sup> Per aua tschuffergnada che sa aunc buca vegnir colligiada cun ina serenera, ston ins ereger sereneras singulas. Plinavon ein las prescripziuns specialas davart la serenaziun preliminar da risguardar, surtut d'aua piarsa da menaschis e dall'industria.
- <sup>3</sup> Suenter la colligaziun alla serenera centrala ein tut las sereneras da casa da metter ord funcziun enteifer in onn. Exclus da quell'obligaziun ein zavraders e stabiliments pil pretractament d'auas piarsas da menaschis e dall'industria.

## **Art. 13      Restricziuns da diever**

- <sup>1</sup> L'aua menada els conducts d'aua tschuffa astga buca donnegiar la lingia da canalisaziun ni il stabiliment dalla serenera ed era buca impedir il diever, il manteniment ed il schubergiar dil stabiliment ni periclitar la fauna e flora els prefluents.
- <sup>2</sup> Sch'ins conceda lubientschas da colligiazion, ston ins risguardar las leschas federalas e cantunalas per la protecziun dallas auas, en special l'ordinaziun federala davart afflussiun d'aua piarsa.
- <sup>3</sup> Oravontut eis ei scumandau da schar affluir las suandontas materias directamein ni indirectamein en stabiliments per la dismessa dall'aua piarsa:
  - a) gas e vapurs,
  - b) materias tussegadas, infectadas, radioactivas e talas che savessen pigliar fiug ni explodir,
  - c) materias cun odurs disturbontas,

- d) deflussiuns da puschinas, lidimers e silos da pavel,
- e) materias che savessen caschunar disturbis ella canalisaziun muort lur qualitad u lur quantitad sco sablun, glera, material, rumians, tschendra, vigliaunas, lavadiras, scotga, vanzadiras da mezca e mazlarias, saung, textilas e.a.v.,
- f) sediments da rimnaders da gliet, da tumbins da purificaziun, da zavraders da grass e d'ieli e.a.v.,
- g) materias consistentas e gliettusas, p.ex. bitumen, caltschina, gliet da cement e.a.v.,
- h) iellis, grass, benzin, benzol, gasolin, petroli, dissolvents, hidrocarbons halogens e.a.v.,
- i) liquids cun ina temperatura sur 40° C duront in temps da deflussiun da pli che 300 secundas,
- k) acids e substanzas alcalicas en concentraziuns nuscheivlas.

En cass da dubi decida l'autoritat da construcziun suenter haver consultau igl uffeci cantunal per la protecziun digl ambient. Sch'ei drova in'expertisa per decider, ha il caschunader da pagar ils cuosts.

<sup>4</sup> Igl ei buca lubiu da retrer calira ord la canalisaziun publica avon la serenera.

#### **Art. 14 Aua piarsa da menaschis ed industrias**

<sup>1</sup> Aua piarsa da menaschis ed industrias astg'ins menar ella canalisaziun e silsunter ella serenera, mo sch'ella ei pretractada sufficientamein e buca nuscheivla pils stabiliments publics per la dismessa d'aua piarsa.

<sup>2</sup> Projects per stabiliments da pretractar l'aua piarsa ord menaschis ed industrias ein d'inoltrar alla vischnaunca cun la damonda da colligiaziun. Sch'igl ei necessari, sa la vischnaunca schar examinar il stabiliment d'ina persuna qualificada e quei sin cuost dil caschunader.

<sup>3</sup> Per defluir l'aua tschuffa da menaschis ed industrias drov'ei la lubientscha digl uffeci cantunal per la protecziun digl ambient.

#### **Art. 15 Metodas specialas per tractar l'aua piarsa**

<sup>1</sup> Aua piarsa ch'ins sa per motivs obligonts buca colligiar als stabiliments dalla vischnaunca, ed aua piarsa ch'ei buca adattada per la serenaziun centrala ni che vegn



per auters motivs impurtonts buc en damonda per quella, ei da tractar tenor las ordinaziuns digl uffeci cantunal per la protecziun digl ambient.

<sup>2</sup> L'aua da plazzals ei da tractar secund sia qualitad e sia quantitad, avon ch'ella vegn menada ella canalisaziun ni en in prefluent.

<sup>3</sup> L'istanza da baghegiar fixescha las prescripziuns necessarias ella procedura per la lubientscha da baghegiar.

## Gestiun e manteniment

### Art. 16 Mantener e renovar las installaziuns

<sup>1</sup> Tut ils stabiliments publics per la dismessa dall'aua piarsa e stabiliments privats ein da mantener cuntinuadamein en in bien stan. Ils proprietaris han da procurar ch'ils stabiliments funcziuneschien irreproschablamein.

<sup>2</sup> Pli manteniment e la renovaziun ei il proprietari dil stabiliment responsabels.

### Art. 17 Schubergiar

<sup>1</sup> Tut ils stabiliments per la dismessa d'aua piarsa ston vègnir lavai e schubergiai periodicamein.

<sup>2</sup> Schubergiar ils stabiliments ei causa dils proprietaris. Stabiliments privats sa la vischnaunca schubergiar encunter pagament dil proprietari.

<sup>3</sup> Ils zavraders vegnan svidai tenor basegns, denton silmeins inagada ad onn. Il material zavrau vegn dismiss conform alla lescha sin basa dallas ordinaziuns digl uffeci cantunal per la protecziun digl ambient. El astga buca vègnir svidaus ella canalisaziun, en uals ni en auas sutterranas.

### Art. 18 Controlla e reparaturas

<sup>1</sup> La vischnaunca examinescha periodicamein il stadi dils stabiliments publics e dils stabiliments privats. Igl ei da lubir igl access allas persunas incumbensadas.

<sup>2</sup> La vischnaunca lai reparar immediat ils donns constatai vid stabiliments publics.

<sup>3</sup> Ils donns vid stabiliments privats lai il proprietari reparar immediat sin agen cuost ni sin camond dalla vischnaunca.

<sup>4</sup> Sch'il proprietari dat buca suatientscha al camond ni sch'ei setracta d'in cass urgent e la vischnaunca sto agir immediat, lai la vischnaunca reparar ils donns ni ils disturbis sin quen dil proprietari. Quel sto vègnir orientaus immediat en scret davart las mesiras pridias.

## **Art. 19 Responsabladad**

- <sup>1</sup> Ils proprietaris stattan buns visavi la vischnaunca per tut ils donns e disavantatgs caschunai entras mendas da construcziun e da funcziun ni entras in diever e manteniment munglus da lur installaziuns.
- <sup>2</sup> Donns vid conducts existents ni cabels sut tiara caschunai entras lavurs da construcziun, renovaziuns e manteniment paga il caschunader.
- <sup>3</sup> Per donns vida conducts privats, caschunai entras lavurs da construcziun, renovaziun e manteniment da stabiliments communal, ei la vischnaunca responsabla.

## **III Finanziaziun**

### **Principi**

#### **Art. 20 Stabiliments dalla vischnaunca**

- <sup>1</sup> La vischnaunca finanziescha la construcziun, il menaschi, la tgira e la renovaziun dils stabiliments publics per la dismessa d'aua piarsa entras contribuziuns dils proprietaris, taxas da colligiazion e taxas da diever. En cass specials finanziescha la vischnaunca ils cuosts restonts cun daners general.
- <sup>2</sup> Las taxas da colligiazion e las taxas da diever sedrezzan tenor las prescripziuns da quest regulativ. Las contribuziuns dils proprietaris per l'avertura detagliada dils stabiliments per la dismessa d'aua piarsa vegnan fixadas ella procedura dalla planisaziun da quartier.
- <sup>3</sup> Las expensas per allontanar auo piarsa e las entradas ord taxas vegnan indicadas separadamein el quen communal en fuorma d'ina finanziaziun speciala.

#### **Art. 21 Imponts privats**

- <sup>1</sup> Il petent porta ils cuosts per stabiliments privats e per la colligiazion alla reit publica. Colligiazions preparadas dalla vischnaunca vegnan messas a quen al petent ensemen cun la lubientscha da colligiazion.
- <sup>2</sup> Procura la vischnaunca per la colligiazion, sa il petent vegnir obligaus da pagar ils cuosts probabels.
- <sup>3</sup> Sche las colligiazions ed ils conducts da colligiazion surveschan a plirs proprietaris, han ils proprietaris da parter sezs ils cuosts denter els. Reservadas ein regulaziuns specialas en proceduras da planisaziuns da quartier e regulaziuns per conducts da colligiazion ch'ils proprietaris han da construir resp. utilisar comunablamain tenor ordinaziun dall'istanza da baghegiar.

## Taxas da colligiazion

### Art. 22 Taxaziun provisoria

- <sup>1</sup> Las taxas da colligiazion per construcziuns novas e midadas da construcziun posteriuras vegnan taxadas provisoriamein ensemen cun la lubientscha da baghegiar.
- <sup>2</sup> Decisiva per la taxaziun provisoria ei la valeta resp. la plivaleta probabla dil project da baghegiar lubiu.
- <sup>3</sup> La valeta resp. la plivaleta probabla vegn fixada sin fundament dils cuosts da baghegiar approximativs tenor la damonda da baghegiar. Sch'ei semuossa che las indicaziuns en la damonda da baghegiar ein nunexactas, vegn la valeta resp. la plivaleta probabla dil project da baghegiar fixada dall'autoridad da baghegiar sin fundament dalla proposta per l'assicuranza per il temps da baghegiar ni sin fundament d'ina atgna valetaziun.

### Art. 23 Taxaziun definitiva

- <sup>1</sup> La taxaziun definitiva dallas taxas da colligiazion per construcziuns novas e midadas da construcziun posteriuras vegn fatga suenter l'arrivada dalla valetaziun officiala. Decisiva per la taxaziun ei la valeta da construcziun nova dil baghetg suttamess allas taxas il mument dalla collaudaziun.
- <sup>2</sup> Baghetgs existents che vegnan colligiai l'emprema gada al provediment d'aua ein da taxar a caschun dalla concessiun dalla lubientscha da colligiazion. Decisiva per la taxaziun ei la valeta da construcziun nova dil baghetg suttamess alla taxa il mument dalla colligiazion.
- <sup>3</sup> La valeta da construcziun nova indicada en la valetaziun officiala vegn quintada vitier resp. deducida sin il termin dalla taxaziun sin fundament digl index dils cuosts da baghegiar da Turitg. Sche la valetaziun officiala d'in bagehtg existent ei pli veglia che 3 onns, sa ei vegnir pretendiu ina nova valetaziun.

### Art. 24 Scadenza

- <sup>1</sup> Las taxas da colligiazion per construcziuns novas e midadas da construcziun posteriuras scadan cun l'entschatta dalla construcziun, quellas per baghetgs existents cun la colligiazion ni cun la garanzia da protecziun encunter fiug.
- <sup>2</sup> Las taxas provisorias ein da pagar all'entschatta dalla construcziun, las ulteriuras taxas enteifer 60 dis dapi la consigna dil quen. En cass d'in pagament retardau vegn ei quintau in tscheins da retard tenor las quotas cantunalas mintgamai valeivlas.

## **Art. 25      Taxas da colligiazion specialas**

<sup>1</sup> Per novs stabiliments per la dismessa dall'aua piarsa che muntan dapli che mo in augment dalla capaciad (per exempel serenera e.a.v.), pagan tut ils proprietaris che profiteschan dallas installaziuns ina taxa da colligiazion speciala fixada entras decisiun communalas.

## **Taxas da diever**

### **Art. 26      Taxaziun**

<sup>1</sup> Las taxas vegnan calculadas mintg'onn sin fundament dalla valeta da construcziun nova tenor la valeta ufficala e tenor il diever effectiv d'aua.

<sup>2</sup> Decisiva per la taxaziun dalla tariffa fundamentala ei la valeta da construcziun nova il mument dalla scadenza. Sin quei termin ei la valeta da construcziun nova tenor la davosa valetaziun ufficala sin fundament digl index dall'assicuranza da baghetgs da quintar vitier.

<sup>3</sup> La calculaziun dallas taxas sin il diever d'aua succeda sin fundament dils quintaders d'aua. Sch'in quintader d'aua dumbra evidentamein buc en uorden ni sch'el stat eri, vegn l'aua retratga dapi la davosa controlla fixada tenor il consum dalla medema perioda digl onn precedent. En quei connex eis ei da risguardar eventualas midadas concernent il consum d'aua.

### **Art. 27      Scadenza**

<sup>1</sup> Las taxas d'aua piarsa che serepetan annualmein scadan mintgamai alla fin d'in onn calendar. Sch'ei succeda duront igl onn ina midada da maun, succeda la scadenza per la taxa debitada pro rata ensemen cun la midada da maun.

<sup>2</sup> Las taxas da diever ein da pagar enteifer 90 dis dapi la consigna dil quen. En cass d'in pagament retardau vegn ei quintau in tscheins da retard tenor las quotas cantunalas mintgamai valeivlas.

## Mieds legals e segirada

### Art. 28 Reclamaziuns

- <sup>1</sup> Reclamaziuns encunter ils quens da taxas ein d'inoltrar e da motivar en scret alla vischnaunca enteifer 30 dis.
- <sup>2</sup> La suprastonza communal examinescha la reclamaziun ed annunzia en ina disposiziun recurribla al reclamader la summa dalla taxa ch'el ha da pagar.

### Art. 29 Dretg da pègn legal

- <sup>1</sup> Per tut las contribuziuns dils proprietaris, taxas da colligiaziun e taxas da diever legalmeins valeivlas exista in dretg da pègn legal tenor art. 162 CCS.
- <sup>2</sup> Il diever dil dretg da pègn sto vegnir communicaus al contribuent en ina disposiziun recurribla.


## IV Disposiziuns executivas e disposiziuns finalas

### Art. 30 Entrada en vigur

- <sup>1</sup> Quest regulativ entra en vigur per igl 01 da schaner 1998, suenter esser approbaus dalla radunonza communal.
- <sup>2</sup> Sias prescripziuns valan per tut las damondas da colligiaziun e tuts projects da baghegiar aunc buc approbai cun l'entrada en vigur dil regulativ. Las taxas da diever fixadas en quest regulativ vegnan applicadas per l'emprema gada pigl onn 1998.
- <sup>3</sup> Tut las anteriuras prescripziuns cuntradictorias dalla vischnaunca vegnan abolidas cun l'entrada en vigur da quest regulativ.

Decidiu alla radunonza communal dils 19. Dez. 1997

Il president



Igl actuar



## Annexa: Fegl da tariffas

---

Sebasond sin art. 20 - 26 dil regulativ per la dismessa dall'aua piarsa vegnan las suandontas taxas incassadas:

### Taxa da colligiazion

Quota dalla valur da construcziun nova tenor valetaziun officiala:

- canalisaziun 1.5 %
- serenera 2 %

### Taxas da diever

- Taxa d'aua piarsa


Taxa da basa en ‰ dalla valur da construcziun nova tenor valetaziun officiala 0.3 ‰

- Taxa tenor il diever

sin fundament dils dumbraders d'aua per m<sup>3</sup> 50 raps  
(Quella taxa da diever va en vigur, aschigleiti che la vischnaunca da Riein sedecida per dumbraders)

Decidiu dalla radunonza communal dils - 6. Nov. 1998

Il president:



L'actuara:

